

docriver 文川网
古籍书城
入驻商家
在文川网搜索古籍书城 获取更多电子书

中國方志叢書·華中地方·第七號

據清·吉元·何慶芬等輯
清·同治十一年刊本
影印

江蘇省

淮郡文渠志



成文出版社有限公司印行



中華民國五十九年 月壹一版

淮郡文渠志

全一冊

發行人：黃 成 助

出版者：成文出版社有限公司
台北郵政信箱二二六〇五號

台北郵政信箱二二六〇五號
台北市羅斯福路三段279之二號
電話：三三〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

淮郡文集卷

docsriver 文川网
入驻商家 古籍书城

在文川网搜索古籍书城 获取更多电子书

郡尊長白存公以文渠屬邑紳輪司之今年元等首值
年因講求其利弊亟復桂花開蓄以注府學泮池工竣
已請 太尊示諭矣然猶恐日久寢廢也爰詳晰繪圖
加說而文渠原委並渠田界址瞭如指掌焉兼彙錄
國初以來前賢挑濬文渠碑記不忘舊也紳稟官牒一
併刊入便省覽也未附以河渠工段丈尺分別誌其水
工磚工石工酌列爲最要次要則尤司濬渠者所宜究
心體察者也書旣成遂僭以爲文渠志云同治壬申中
秋月邑人吉元何慶芬何其傑丁壽炳劉健吉全輯

郡城文渠志總目

卷上

圖說

碑記

卷下

公牘

工段丈尺

表上ノノノノノ

糸

郡城文渠志卷上目錄

文渠圖說

文渠官莊圖說

新建三城壩石隄碑記

龍光閘記

重脩文渠閘記

原碑
無題

重開巽關河道碑記

新開舉河並濬羅柳河碑記

己酉春重浚羅柳河記

壬子春重浚市河記

興造淮郡閘洞渠河記

重建龍光閘并浚文渠洞河附記

新建三城壩石隄碑記

賜進士及第翰林院編修郡人夏曰瑚撰

賜同進士出身中憲大夫奉 敕大名兵備道河南按察司副使郡人王應乾書

欽差整飭瀾滄兵備道朝議大夫雲南布政使司參議兼按察司僉事郡人岳鍾秀篆

淮峙三城而僅以一壩障西來諸水關繫良重則受禍良亦非輕矧殘蝕不絕如縷徒以丸泥塞函谷故淮之人惟杞漆是懼思固之而不得所以固之者緣力拙也

萬曆初禳坊屢敗天啟辛酉坊幾敗迨

今上之辛未壬申坊輒連敗往遡隆萬幾六十載先是
辛未六月將晦坊告亟鹽捕相君劉公視縣事守一晝
夜力不敵而闌以北濱三十丈壬申七月將晦坊告亟
郡伯汪公司理相君王公邑侯王公奔走拮据守兩晝
夜力不敵而闌以南濱三十丈兩年禍同一轍譬之瘡
痍未起師旅頻仍烈哉民何以堪命耶督撫大中丞李
公率同淮海監司周公暨郡邑諸大夫乘小舸廉害原
講求長治僉曰匪石無與固已乃檄下司理王公攷成

事離分司拍公監臨日號先之以堵塞繼之以甃砌次第既張適帑詘而金錢無措則相與謀上下交任焉而助法以行助在上者曰督撫李公曰巡方饒公曰巡離高公曰監司周公曰郡伯汪公曰清軍相君徐公曰司理相君王公曰離分司拍公曰邑侯王公總計得三千金焉助在下者曰諸鄉大夫曰諸孝廉曰諸貢士選士胄士庠士曰諸離賈曰諸典賈曰諸埠牙曰諸坊民總計亦得三千金焉石採之礮峩山木收之八寶灰糴之盱眙夫役計日受顧工匠計事受廩布置定矣筮春王

正月二日告土興工南自永利閘北至王公隄共計三百二十丈東口決口及阜解洞工又三倍焉高絜諸昔或增以五尺三尺廣絜諸昔或擴以二丈一丈迄九月十日告竣事李大中丞具疏

上聞是役也金錢不取諸虞衡夫匠不煩諸額募出入有度支頌惟謹口覈滋慎卜晴而乘天之時春涸而因泥之利趨事而愜子來之心蓋一舉而眾知善之感備也淮其瘳乎淮其永瘳乎李大中丞公諱待問南海人饒巡方公諱京蘄州人高巡齧公諱欽舜嘉善人周監

臨公諱汝璣商城人汪郡伯公諱心淵弋陽人徐二郡
公諱朝元臨川人王司理公諱用予黃岡人拍分司公
諱福兆臨清人王邑侯公諱正志靜海人

崇禎六年癸酉歲長至節屆立 華亭龔廷璋摸勒

督撫牌委料理工事兼助工舉人吳天選邑庠生劉
一炤 助工鄉官潘叔暘夏曰瑚閻世科王應乾岳
鍾秀張大程亢孟棟 助工舉人劉自竝喬堯仁張
奕穎孫築高登泰高登瀛武柱國周爽 助工恩選
貢生馬自宛尙祐卿陳効坤張之經張履貞杜采

助工兩學庠生張應斗尙禧卿喬堯典陳允進陸有
周胡承貴朱啟光梁士芳傘文明張之緯陳允選尙
祥卿熊瑞徵劉自靖陳允達楊應昌梁承祖孫斐明
杜瑞芝陳宗舜杜應芳高光祖金元翰周厯臧世顯
許必先梁□祖符兆禎陳允暹徐聞雷梁國餉 助
工鹽商范道生等 助工典商黃紹旭等 助工坊
民單應德柳洵徐一登張鶚翼黃文鑑饒天寵桂璋
徐林毛九德郁世昌邱尙義徐繼銘王林蕭梓鄭光
義倪澂 刑廳管工書吏張堅安東分司管工書吏

韓蔭昌採石倉官傅應清管工千戶蔡士廉 助工
埠牙楊公虞等運石舡戶黃天賜等採木商人鄭吳
等糴灰坊民葉范等各坊管工鄉約張鶚翼等

docsriver 文川网
入驻商家 古籍书城

在文川网搜索古籍书城 获取更多电子书

龍光閘記

王永吉

繇龍光閣折西□□□□□□□□□□□□□□□□

□□□□□□□□閘也先是黃河水自淮城北來下高

寶入邦溝□□□□□□□□□□□□□□□□□□

□□□□□□城之□繇澗河入射陽湖與鹽瀆通泰諸

水合□□□□□□城東隅與黃流不相接□□□□當

事建二閘其一在城西為響水閘引河入城過市橋文

□□□□□□城新城以□匯澗河□□□□其一在城南十

里楊家廟為興文閘導黃流進寶帶河數折經龍光□

□□澗河是□□是則二水皆合以□□□環城繞之
縈若玦焉故淮郡人文蔚起而鹽邑三萬漕糧皆得直
抵寶帶河□□爲盜□□□通泰諸州米鹽萑葦商賈
之舶直抵城南居民賴之歲歲然已近新城需水通舶
□城西閘旣已久□而河以竭□之無涓滴以灌新城
其勢不得不截外流于是從龍光閣下築壩阻興文之
水又爲壩東閘以爲□□□二水皆斷則湍入新城而
鹽邑三萬之漕與通泰諸州米鹽萑葦之舶無所得通
是國計民情兩□□□□

大中丞蔡公省覽形勢周尋水利喟然曰龍光之有閣
猶山之有峯也峯高而無水以帶之猶無峯也且夫畫
棟璇題高入雲漢其倒影河渠江天一色是文章之大
觀也障之而使不流與頽焉而使不振其弊相等不佞

既已建茲閣矣敢靳度支不爲諸路倡越三日二邑里
民爭醵金畚土不匝月闢竣以時司啟閉焉二水環帶
若舊歡聲雷沸其前建龍王廟後列講堂計費緡一千
有奇蓋龍于五行屬乙洎巽風皆木也閣鏡爲金從所
尅也然金復生水水復生木則環相生也南方屬火金

水繞之文明之象於是乎賁焉觀乎人文以化成天下
公之嘉惠斯土者至矣公撫豫章修白鹿洞闡理學之
宗今憩茲重立講院焉俾後之有志于斯文者知所仰
止云

丙翰林國史院大學士太子太保管吏部尙書事王永
吉撰

順治十四年歲在丁酉嘉平月吉日立

總漕部院蔡老爺復任臨淮仰府委官於

康熙元年孟春日督造建闢完工

本坊義助鄉民韓景衍劉文煇丁志秀楊時芳梁士
龍王善用等 石匠胡宗普等瓦匠丁尙志等木匠
唐德等

孝
弟
之
行
記
卷
一

一

重修文渠閘記

原碑
無題

毓奇

淮城北據大河西南據洪澤湖運河之水環城下自北而西復折而南淮郡三城向資灌輸而通其利者曰興文閘曰文渠閘興文文渠導其源市河濶河宣其流順時啟閉脈絡貫通支派分洩以故居民安堵而無所苦其後尾閘淤墊興文文渠亦隳而不修民以滋困予以四十八年春奉命督漕駐淮公務之暇卽與淮郡太守伊講求民間疾苦欲以興利除弊期無負

聖天子求瘼求寧之至意乃知其前歲已重建興文舊
閘西南污穢漸除東方淤墊亦平城內水可通流著有
成效予心趨之嗣復籌及文渠閘爲闔郡民生所關文
風所繫議重加挑濬永資利濟與予見昭合予方欲共
勸其役會漕輓正殷入夏徂秋押尾北上至冬旋淮則
知太守已親爲周視相高下計道里定工程率作興事
羣情歡洽趨令如流水不假公項如法興修六月初七
日興工十月十五日蒞事自東迤北逐一挑濬莫不因
其勢而利導之水遶泮池滌澗曲折積年污穢淤塞掃

蕩無遺城中活水流通小舟容與於其間又多設橋梁
以通行旅水陸均便可謂勤且周矣旣而士民復以善
後事宜請酌移郡中公存羨銀逐年生息以便歲脩予
乃下其議於府縣俾定章程永遠無廢嗚呼爲民上者
視民間之疾痛痾癢未有肯漠然愒置者第有其心而
行之不力力矣而措之無方有方矣而任之不得其人
往往無成功此一役也郡邑大夫身親其事口講指畫
知人善任始久不怠是以民不勞而事舉費不濫而功
成順民之欲以興其利而除其弊宜其歡欣鼓舞而不

能已也丙午秋榜發舉於鄉者得六人爲近科以來所未有感應適符人文蔚起蓋其效可觀矣譬之人身血脉流通毫無壅滯渣滓去而清虛來自然發榮滋長而不可遏由此繼踵接迹科第蟬聯其爲效豈易量哉子惟三城之民數十年所願欲而不得遂者一舉而奏其功士氣民風蒸蒸日上興利除弊莫善於此矣故樂書之以告後之守土者

兵部侍郎兼都察院右副都御史總督淮揚等處地方提督漕運海防軍務兼理糧餉世襲一等子軍功加一

級軍功紀錄三次尋常紀錄十八次長白毓奇撰

江蘇淮安府知府加六級伊轍布蒙古正藍旗人

前山陽縣知縣加三級許瀚浙江石門人 山陽縣

知縣加三級王世峯湖南湘潭人 監工淮安府學

教授王珣安徽當塗人 山陽縣縣丞張誠浙江海

鹽人 紳士翰林院典簿馬元文 湖北荆門州

州同李超玠

大清乾隆五十一年歲次丙午孟冬吉日

docsriver 文川网
入驻商家 古籍书城

在文川网搜索古籍书城 获取更多电子书

日本書紀卷之六

第一

一

重開巽關河道碑記

鐵保

巽關不審起自何時攷郡縣志謂是明天啟三年所建然揆其形勢東西北三關聯絡策應似實與城俱有惜文獻之無所稽也闔城生氣秀氣應以此爲橐鑰蓋就陰陽家坎宅立論已爲生氣方癸山丁向丁火長生在酉而已爲帝旺或曰淮城當取金局則巽已又爲長生而西水關酉方爲旺北門外丑方爲庫總之巽位皆關竅也宜疏通不宜闕塞宜軒昂不宜闐寂前輩相承言巽關啟則百事暢遂四方過客通形家言者亦常矢此